

Broj: 03-02-484/2024  
Sarajevo, 13.06.2024. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 25-06-2024			
Org. jed.	Broj	Priloga	Vrijednost
01,02-02-		1470/24	

**PARLAMENT FEDERACIJE  
BOSNE I HERCEGOVINE**

- Predstavnički dom -  
gosp. Dragan Mioković, predsjedavajući
- Dom naroda -  
gosp. Tomislav Martinović, predsjedavajući

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24) i članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), **radi razmatranja i usvajanja po skraćenom postupku, dostavljam Vam PRIJEDLOG ZAKONA O IZMJENAMA I DOPUNI ZAKONA O SLATKOVODNOM RIBARSTVU**, koji je utvrdila Vlada Federacije Bosne i Hercegovine na 35. sjednici, održanoj 05.06.2024. godine.

Prijedlog zakona se dostavlja na službenim jezicima i pismima Federacije Bosne i Hercegovine.

S poštovanjem,



- Prilog u printanoj i elektronskoj formi (CD):
- Prijedlog zakona na bosanskom jeziku,
  - Odredbe Zakona koje se mijenjaju i koja se dopunjuje,
  - Obrazac broj 1a,
  - Obrazac broj 2,
  - Obrazac IFP NE,
  - Izjava o usklađenosti i
  - Zakon slatkovodnom ribarstvu  
(„Službene novine Federacije BiH“, br. 64/04 i 27/10) (CD)

**Co: Federalno ministarstvo poljoprivrede, vodoprivrede i šumarstva**  
gosp. Kemal Hrnjić, ministar

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON  
O IZMJENAMA I DOPUNI ZAKONA O SLATKOVODNOM RIBARSTVU**

**Sarajevo, juni 2024. godine**

## **PRIJEDLOG ZA DONOŠENJE ZAKONA PO SKRAĆENOM POSTUPKU**

Izmjene i dopuna pet članova Zakona izvršene su radi uključivanja organa lokalne samouprave u postupke ustupanja na korištenje ribolovnih područja/zona fizičkim i pravnim licima, udruženjima ili organizacijama sportskih ribolovaca, dozvola za privredni ribolov i raspodjelu sredstava od naknada za ustupanje ribolovnih područja/zona i koncesionih naknada u privrednom ribolovu u skladu sa Presudom Ustavnog suda Federacije Bosne i Hercegovine.

Imajući u vidu da se radi o manjim izmjenama i dopuni Zakona odnosno da nije u pitanju složen i obiman zakon, predložen je skraćeni postupak kako je i propisano članom 172. Poslovnika Predstavničkog doma Parlamenta Federacije BiH i članom 164. Poslovnika o radu Doma naroda Parlamenta Federacije BiH.

## ZAKON

### O IZMJENAMA I DOPUNI ZAKONA O SLATKOVODNOM RIBARSTVU

#### Član 1.

U Zakonu o slatkovodnom ribarstvu („Službene novine Federacije BiH“, br. 64/04 i 27/10) (u daljem tekstu: Zakon) u članu 5. iza riječi „(u daljem tekstu: kantonalno ministarstvo)“ dodaju se riječi „**uz prethodno pribavljeno mišljenje nadležnog organa lokalne samouprave**, na čijoj teritoriji se nalaze ribolovna područja, odnosno dijelovi ribolovnih područja-ribolovne zone.“

#### Član 2.

Član 6. mijenja se i glasi:

#### „Član 6.

- (1) Ribolovno područje ili dio ribolovnog područja, kantonalno ministarstvo, uz prethodno pribavljeno mišljenje nadležnog organa lokalne samouprave, ustupa na korištenje korisniku davanjem ribolovnog prava putem konkursa, uz naknadu i na osnovu predočenog programa gospodarenja ribolovnim područjem.
- (2) Visinu naknade određuje Vlada Kantona na čijoj teritoriji se nalazi ribolovno područje ili dio ribolovnog područja, a na prijedlog nadležnog organa lokalne samouprave.
- (3) Naknada za ustupanje na korištenje ribolovnog prava su namjenska sredstva koja se dijele u omjeru 50% organ lokalne samouprave, 50% kanton.“

#### Član 3.

U članu 10. stav (7) mijenja se i glasi:

„(7) Saglasnost za ribarsku osnovu, reviziju ribarske osnove i godišnje programe, izdaje Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo) na osnovu mišljenja kantonalnog ministarstva. Kantonalno ministarstvo dostavlja Federalnom ministarstvu mišljenje na osnovu prethodno pribavljenih mišljenja nadležnih organa lokalne samouprave.“

#### **Član 4.**

Član 17. mijenja se i glasi:

#### **„Član 17.**

- (1) Dozvolu za vršenje privrednog ribolova pravnim i fizičkim licima uz naknadu izdaje kantonalno ministarstvo uz prethodno pribavljeno mišljenje nadležnog organa lokalne samouprave.
- (2) Dozvola za privredni ribolov kao i zahtjev za izdavanje dozvole mora sadržavati:
  1. Firmu obrtnika ili firmu pravnog lica kojima se daje dozvola za privredni ribolov;
  2. Naznaku dijela ribolovnog područja i/ili ribolovne zone u kojoj će se obavljati privredni ribolov;
  3. Vrstu i broj ribolovnih alata i opreme kojima će se obavljati privredni ribolov;
  4. Ime ili registarsku oznaku plovila kojima će se obavljati ribolov.
- (3) Odluku o dodjeli koncesije donosi Vlada kantona na prijedlog kantonalne komisije za koncesije, korisniku koji ponudi najpovoljnije uslove za vršenje privrednog ribolova. Kantonalno ministarstvo u ime Vlade kao koncesionara, zaključuje sa korisnikom ugovor o vršenju privrednog ribolova, koji mora sadržavati sve elemente iz člana 16. i 17. ovog Zakona i člana 29. Zakona o koncesijama („Službene novine Federacije BiH“, br. 40/02 i 61/06), ali može sadržavati i druge elemente obligaciono-pravnog karaktera.
- (4) Protiv rješenja kojim se dozvola uskraćuje, može se izjaviti žalba Federalnom ministarstvu.“

#### **Član 5.**

U članu 18. stav (6) mijenja se i glasi:

„(6) Sredstva od koncesione naknade su namjenska sredstva i dijele se u omjeru, 30% kantonu, 70% lokalnoj samoupravi na čijem se području vrši privredni ribolov.“

#### **Član 6.**

Ovaj zakon stupa na snagu osmog dana od dana objave u „Službenim novinama Federacije BiH“.

# O B R A Z L O Ž E N J E

## PRIJEDLOGA ZAKONA O IZMJENAMA I DOPUNI ZAKONA O SLATKOVODNOM RIBARSTVU

### I. USTAVNI OSNOV

Ustavni osnov za donošenje Zakona o slatkovodnom ribarstvu Federacije Bosne i Hercegovine, a samim tim i Zakonom o izmjenama i dopuni Zakona o slatkovodnom ribarstvu sadržan je u članu III. 1. tačka b), koji je izmijenjen amandmanom VIII., LXXXIX. i CVI., i članu IV.A. 20. (1) Ustava Federacije Bosne i Hercegovine, prema kojem je u isključivoj ovlasti Federacije BiH utvrđivanje privredne politike, uključujući planiranje i obnovu, te politiku korištenja zemljišta na federalnom nivou, a Parlament Federacije Bosne i Hercegovine, uz ostale ovlasti predviđene Ustavom, odgovoran za donošenje zakona o obnašanju dužnosti federalne vlasti, te u članu III. 2. tačka c) i h) Ustava Federacije Bosne i Hercegovine, prema kojem federalna vlast i kantoni su mjerodavni za politiku čovjekove okoline i korištenja prirodnih bogatstava.

### II. RAZLOZI ZA DONOŠENJE ZAKONA

Oblast slatkovodnog ribarstva u Federaciji Bosne i Hercegovine definisana je Zakonom o slatkovodnom ribarstvu („Službene novine Federacije BiH“ br. 64/04 i 27/10) i pratećim podzakonskim aktima. Ustavni sud Federacije Bosne i Hercegovine, odlučujući po zahtjevu Načelnika Općine Olovo za zaštitu prava na lokalnu samoupravu u vezi sa Zakonom o slatkovodnom ribarstvu na osnovu člana IV.C.3.10 (3) Ustava Federacije Bosne i Hercegovine u vezi sa Amandmanom X.CVI na Ustav Federacije Bosne i Hercegovine 29.11.2017. godine donio je presudu U: 24/16 od 29.11.2017. godine kojom je utvrđeno da je čl. 5. i 6., članom 10. stav 7., članom 17. i članom 18. stav 6. Zakona o slatkovodnom ribarstvu („Službene novine Federacije BiH“, br. 64/04 i 27/10) povrijeđeno pravo na lokalnu samoupravu Općine Olovo. U skladu s članom IV.C.12.B) Ustava Federacije Bosne i Hercegovine, Ustavni sud Federacije Bosne i Hercegovine odredio je prijelaznu mjeru, kojom je dao mogućnost Parlamentu Federacije Bosne i Hercegovine, da u roku od šest mjeseci od dana objavljivanja presude u „Službenim novinama Federacije BiH“ uskladi Zakon o slatkovodnom ribarstvu sa Zakonom o načelima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), do kada se gore navedene odredbe mogu primjenjivati.

S obzirom da su odredbe čl. 5. i 6., člana 10. stav (7), čl. 17 i 18 stav (6) stavljene van snage, samim tim neće se moći ustupati ribolovna područja/ribolovne zone fizičkim i pravnim licima, udruženjima ili organizacijama sportskih ribolovaca niti izdavati dozvole za vršenje privrednog ribolova nakon isteka ugovora koji su zaključeni na period od 10 godina. Iz naprijed navedenog možemo konstatovati da će vodotoci, a samim tim i riblji fond ostati bez zaštite i nemogućnosti poribljavanja vodotoka što direktno utiče na kvantitet i kvalitet ribljeg fonda.

Federalno ministarstvo poljoprivrede, vodoprivrede i šumarstva je uradilo prijedlog novog Zakona o slatkovodnom ribarstvu kojim se implementira i presuda Ustavnog

suda Federacije BiH i aktom broj: 03-02/1-2107-11/21 od 24.10.2022. godine i uputilo Nacrt zakona na razmatranje i utvrđivanje Vladi Federacije Bosne i Hercegovine. Vlada Federacije Bosne i Hercegovine je na svojoj 337. sjednici održanoj 03.11.2022. godine utvrdila Nacrt i uputila ga Parlamentu Federacije Bosne i Hercegovine na razmatranje i prihvatanje aktom broj: 03-02-1255/2022 od 04.11.2022. godine.

Zaključkom Vlade Federacije Bosne i Hercegovine V.broj: 661/2023 od 04.05.2023. godine, ovlašćuje se Premijer Federacije BiH da povuče iz parlamentarne procedure zakone i druge akte koji od 31.05.2015. godine do 28.04.2023. godine, nisu usvojeni, a prosljeđeni su u parlamentarnu proceduru. Istim tim Zaključkom zadužuju se federalni ministri da se u roku od 15 dana očituju o daljem statusu zakona i drugih akata iz ovog Zaključka.

Ovo ministarstvo je aktom broj: 02-02/2-877/23-FB od 15.05.2023. godine - Realizacija Zaključka Vlade Federacije BiH V. broj 661/2023 od 04.05.2023. godine - Očitovanje - predložilo da se Nacrt Zakona o slatkovodnom ribarstvu što hitnije vrati u parlamentarnu proceduru - uz dato obrazloženje. Dana 12.06.2023. godine Premijer Vlada FBiH nas obavještava da je aktom broj 03-02-531-8/2023 od 09.06.2023. godine tražio da se ponovo iz parlamentarne procedure pored ostalih propisa povuče i Zakon o slatkovodnom ribarstvu.

Na stručnom kolegiju Federalnog ministarstva poljoprivrede, vodoprivrede i šumarstva koji je održan 13.11.2023. godine, donesen je Zaključak da se presuda Ustavnog suda Federacije BiH implementira izradom zakona o izmjenama i dopuni Zakona o slatkovodnom ribarstvu.

### III. OBRAZLOŽENJE PREDLOŽENIH PRAVNIH RJEŠENJA

Izmjene i dopuna članova izvršene su u skladu sa presudom Ustavnog suda Federacije Bosne i Hercegovine U: 24/16 od 29.11.2017. godine.

**Član 1.** Vršiti se dopuna člana 5. na način da se iza riječi („u daljnjem tekstu: kantonalno ministarstvo“) dodaju riječi „uz prethodno pribavljeno mišljenje nadležnog organa lokalne samouprave, na čijoj teritoriji se nalaze ribolovna područja, odnosno dijelovi ribolovnih područja-ribolovne zone“ kojim se uključuju organi lokalne samouprave u postupak određivanja i ustupanja korištenja ribolovnih područja/ribolovnih zona fizičkim i pravnim licima, odnosno udruženjima ili organizacijama sportskih ribolovaca, a u skladu s Presudom Ustavnog suda Federacije Bosne i Hercegovine.

**Član 2.** Izmjenom člana 6. u postupak davanja ribolovnog prava korisniku i određivanje visine naknade uključuju se organi lokalne samouprave. Stavom (3) ovog člana propisuje se omjer raspodjele sredstava prikupljenih od naknada za korištenje ribolovnog područja/zone.

**Član 3.** U članu 10. izmjenom stava (7) u postupak davanja saglasnosti na ribarske osnove, revizije ribarskih osnova i godišnjih programa unapređenja ribarstva uključuju se i organi lokalne samouprave davanjem mišljenja na navedene dokumente na

osnovu kojih će kantonalno ministarstvo dati svoje mišljenje i uputiti Federalnom ministarstvu poljoprivrede, vodoprivrede i šumarstva na davanje saglasnosti.

**Član 4.** Izvršena je izmjena člana 17. kojim se u postupak izdavanja dozvole za privredni ribolov uključuju organi lokalne samouprave i jasnije propisuje postupak davanja koncesija.

**Član 5.** U članu 18. izvršena je izmjena stava (6) kojim se propisuje način raspodjele koncesione naknade i uključuju organi lokalne samouprave.

#### **IV. USKLAĐENOST SA PROPISIMA EU**

Ne postoji odgovarajući propis EU sa kojim je potrebno izvršiti usklađivanje predmetnih izmjena i dopuni Zakona. Postupak određivanja i dodjele ribolovnih područja/zona, sredstava i način raspodjele istih su predmet nacionalnog zakonodavstva, a u konkretnom slučaju Federacije Bosne i Hercegovine jer oblast slatkovodnog ribarstva nije uređena državnim zakonom.

#### **V. FINANSIJSKA SREDSTVA**

Za donošenje ovog Zakona nije potrebno izdvajanje dodatnih sredstava iz Budžeta Federacije Bosne i Hercegovine.



## **BOLDIRANE ODREDBE ZAKONA O SLATKOVODNOM RIBARSTVU KOJE SE MIJENJAJU I KOJA SE DOPUNJUJE**

(Službene novine Federacije BiH, broj 64/04, 27/10)

### **Član 5.**

**Ribolovna područja, odnosno dijelove ribolovnih područja - ribolovne zone, određuje i ustupa na korištenje fizičkom i pravnom licu, odnosno udruženju ili organizaciji sportskih ribolovaca (u daljem tekstu: korisnik) kantonalno ministarstvo nadležno za poslove poljoprivrede (u daljem tekstu: kantonalno ministarstvo).**

### **Član 6.**

**Ribolovno područje ili dio ribolovnog područja kantonalno ministarstvo ustupa na korištenje korisniku davanjem ribolovnog prava putem konkursa, uz naknadu i na osnovu predočenog programa gospodarenja ribolovnim područjem.**

**Visinu naknade određuje Vlada Kantona na čijoj teritoriji se nalazi ribolovno područje ili dio ribolovnog područja, a na prijedlog kantonalnog ministarstva.**

**Konkurs iz stava 1. ovog člana javno objavljuje kantonalno ministarstvo.**

### **Član 10.**

Korisnik je dužan da najkasnije u roku od jedne godine od dana kada je dobio ribolovno pravo na ribolovnom području realizovati predočeni program gospodarenja ribolovnim područjem iz člana 6. stav 1. ovog zakona i donijeti program unapređenja ribarstva (u daljem tekstu: ribarska osnova).

Ribarska osnova važi trajno uz monitoring, a najkasnije do isteka roka od pet godina od dana potvrđivanja ribarske osnove, mora se obaviti revizija ribarske osnove.

Ribarsku osnovu izrađuju pravna lica iz člana 48. ovog zakona.

U skladu sa ribarskom osnovom korisnik donosi godišnji program unapređenja ribarstva (u daljem tekstu: godišnji program).

Godišnji program mora sadržavati:

1. procjenu količine riba i njihova prirasta u ribolovnom području ili ribolovnoj zoni ili njenom dijelu;
2. dozvoljeni godišnji ulov ribe po vrstama i dozvoljeni dnevni ulov ribe;
3. plan poribljavanja prema količinama i vrstama ribe, te novčana sredstva za realizaciju plana;
4. mjere i način zaštite ribolovnog područja, ribolovne zone ili njenog dijela, organizaciju rada ribočuvarske službe, te plan rada na uređenju okoliša;
5. planirane sportsko-ribolovne aktivnosti;

6. planirana novčana sredstva i namjenu korištenja tih sredstava.

Godišnji program donosi se do kraja tekuće godine za narednu godinu.

**Saglasnost za ribarsku osnovu i godišnje programe, uz prethodno pribavljeno mišljenje kantonalnog ministarstva, ovjerava i izdaje Federalno ministarstvo poljoprivrede, vodo-privrede i šumarstva (u daljem tekstu: Federalno ministarstvo).**

### **Član 17.**

**Dozvolu za vršenje privrednog ribolova fizičkim i pravnim licima uz naknadu izdaje kantonalno ministarstvo, na osnovu sprovedenog javnog konkursa u skladu sa odredbama ovog zakona i Zakona o koncesijama ("Službene novine Federacije BiH", broj: 40/02).**

**Dozvola za privredni ribolov, kao i zahtjev za izdavanje dozvole mora sadržavati:**

**1. firmu obrtnika ili firmu pravnog lica kojima se daje dozvola za privredni ribolov;**

**2. naznaku dijela ribolovnog područja i/ili ribolovne zone u kojoj će se obavljati privredni ribolov;**

**3. vrstu i broj ribolovnih alata i opreme kojima će se obavljati privredni ribolov;**

**4. ime ili registarsku oznaku plovila kojim će se obavljati ribolov.**

**Dozvola za privredni ribolov daje se na osnovu javnog konkursa, odnosno poziva na javni tender kojeg raspisuje kantonalno ministarstvo.**

**Dozvolu korisniku izdaje Vlada kantona na prijedlog kantonalne komisije za koncesije, korisniku koji ponudi najpovoljnije uslove za vršenje privrednog ribolova (objekte, uređaje, sredstva, stručne kadrove i dr.).**

**Dosadašnji korisnik ima pod jednakim uslovima pravo prvenstva u dobivanju dozvole za privredni ribolov.**

**Visinu naknade za obavljanje privrednog ribolova određuje kantonalno ministarstvo.**

**Prije izdavanja dozvole za privredni ribolov kantonalno ministarstvo i korisnik zaključuju ugovor o vršenju privrednog ribolova koji mora sadržavati sve elemente iz čl.16. i 17. ovog zakona i člana 29. Zakona o koncesijama, ali može sadržavati i druge elemente obligaciono-pravnog karaktera.**

**Dozvola se izdaje na rok od deset godina.**

**Protiv rješenja kojim se dozvola uskraćuje može se izjaviti žalba Federalnom ministarstvu.**

## Član 18.

Dozvola za privredni ribolov nije prenosiva.

Dozvola za privredni ribolov oduzet će se rješenjem kantonalnog ministarstva:

1. ako se utvrdi da fizičko ili pravno lice kojem je izdata dozvola za privredni ribolov nema propisane alate ili opremu za ribolov;
2. ako se utvrdi da fizičko ili pravno lice kojem je izdata dozvola za privredni ribolov samo nije stručno osposobljeno za privredni ribolov ili ako nema zaposlene koji su stručno osposobljeni za privredni ribolov;
3. ako se utvrdi da nosilac dozvole za obavljanje privrednog ribolova ne plaća naknadu za obavljanje privrednog ribolova;
4. ugovor se može raskinuti i oduzeti dozvola za privredni ribolov ako korisnik ne ispunjava uslove, odnosno obaveze određene ovim zakonom, ugovorom ili ne gospodari u skladu sa ribarskom osnovom;
5. ako se to ribolovno područje (ribolovne vode) koristi za ciljeve koji isključuju mogućnost bavljenja privrednim ribolovom.

U slučaju raskida ugovora korisnik ima pravo na nadoknadu uložениh, a neiskorištenih sredstava.

Postupak za oduzimanje dozvole za privredni ribolov pokreće nadležni poljoprivredni inspektor, ako su ispunjeni uslovi iz stava 2. ovog člana, a konačnu odluku o oduzimanju dozvole za privredni ribolov donosi kantonalno ministarstvo.

Protiv rješenja o oduzimanju dozvole iz stava 2. ovog člana može se izjaviti žalba Federalnom ministarstvu.


**Sredstva uplaćena na ime naknade za privredni ribolov prihod su kantonalnog budžeta.**

Registar o izdatim dozvolama za vršenje privrednog ribolova vodi kantonalno ministarstvo. Oblik, sadržaj i način vođenja registra o izdatim dozvolama za privredni ribolov propisuje federalni ministar.




**OBRAZAC IZJAVA O FISKALNOJ PROCJENI**

Obrazac IFP NE

<b>A 1. Obradivač propisa</b>						
	KOD	NAZIV				
Razdjel	2401	Federalno ministarstvo poljoprivrede, vodoprivrede i šumarstva				
<b>B 2. Osnovni podaci o prijedlogu propisa</b>						
Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Zakon o izmjenama i dopunama Zakona o slatkovodnom ribarstvu					
<b>C 3. Izjava o nepostojanju fiskalnih efekata predloženog propisa</b>						
Potvrđujemo da prihvatanje, odnosno provođenje prijedloga navedenog propisa neće rezultirati dodatnim fiskalnim učinkom na Budžet Federacije BiH, kao i na druge budžete i nivoe vlasti, vanbudžetske korisnike i fondove.						
<b>D 4. Pečat i potpis odgovornog lica</b>				Mjesto i datum	, 29-11-2023	



## Obrazac i uputstvo za popunjavanje izjave o usklađenosti

IZJAVA O USKLAĐENOSTI		
1. Podaci o obrađivaču propisa	Naziv federalnog organa uprave, odnosno federalne upravne organizacije	FEDERALNO MINISTARSTVO POLJOPRIVREDE, VODOPRIVREDE I ŠUMARSTVA
	Naziv organizacione jedinice	SEKTOR ZA POLJOPRIVREDU I PREHRAMBENU INDUSTRIJU
2. Naziv propisa		NACRT ZAKONA O IZMJENAMA I DOPUNAMA ZAKONA O SLATKOVODNOM RIBARSTVU DRAFT LAW ON AMENDMENTS TO THE LAW ON FRESHWATER FISHERIE
3. Usklađenost propisa s odredbama Sporazuma o stabilizaciji i pridruživanju		
3.1.	Odredba Sporazuma	GLAVA VIII ČLAN 96. (RIBARSTVO) SPORAZUMA O STABILIZACIJI I PRIDRUŽIVANJU IZMEĐU ZEMALJA EU I BIH
3.2.	Ocjena ispunjenosti iz navedene odredbe Sporazuma	ISPUNJAVA U POTPUNOSTI
3.3.	Razlozi za djelimično ispunjavanje odnosno neispunjavanje obaveze iz navedene odredbe Sporazuma i rok u kojem je predviđeno postizanje potpune usklađenosti	
4. Veza propisa sa Programom integrisanja (PI)		
4.1.	PI za period	
4.2.	Poglavlje, potpoglavlje	
4.3.	Rok za donošenje propisa	
4.4.	Napomena	
5. Usklađenost propisa s pravnom tečevinom EU		
5.1.	Primarni izvori prava EU	UGOVOR O FUNKCIONISANJU EVROPSKE UNIJE (PREČIŠĆENI TEKST 2016.) (SLUŽBENI LIST EVROPSKE UNIJE 2016/C 202, 7.6.2016), DIO TREĆI - POLITIKE I UNUTARNJA DJELOVANJA UNIJE GLAVA III - POLJOPRIVREDA I RIBARSTVO ČL. 38, 39, 40, 41, 42, 43. i 44. Stupanj usklađenosti sa primarnim izvorom prava: potpuno usklađeno  TREATY ON THE FUNCTIONING OF THE EUROPEAN UNION (CONSOLIDATED VERSIONS 2016/C 202/01) (OJ 2016/C 202, 7.6.2016) PART THREE - UNION POLICIES AND INTERNAL ACTIONS TITLE III - AGRICULTURE AND FISHERIES ART. 38, 39, 40, 41, 42, 43. AND 44.
5.2.	Sekundarni izvori prava EU	
5.3.	Stepen usklađenosti sa sekundarnim izvorima prava	
5.4.	Razlozi za djelimičnu usklađenost ili neusklađenost	
5.5.	Rok za potpuno usklađivanje	
5.6.	Ostali izvori prava EU	
6. Ukoliko ne postoje odgovarajući propisi EU sa kojima je potrebno izvršiti usklađivanje potrebno je to konstatovati		NE POSTOJI ODGOVARAJUĆI PROPIS EU SA KOJIM JE POTREBNO IZVRŠITI USKLAĐIVANJE PREDMETNIH IZMJENA I DOPUNA ZAKONA.
7. Da li je osiguran prevod pravnih izvora na službene jezike u upotrebi u Federaciji Bosne i Hercegovine		
8. Da li je propis preveden na engleski jezik?		NE
Ovlašteno lice obrađivača odnosno predlagača  Podpis Kemal Hrnjic, ministar		Direktor Ureda Vlade Federacije Bosne i Hercegovine za zakonodavstvo i usklađenost sa propisima Evropske unije  Podpis Zeljko Stadi
Datum i pečat: 30.11.2023.		Datum i pečat:  13.12.23

KONTROLNA IZJAVA O PROVEDENOJ PROCJENI UTJECAJA PROPISA

Kontrolna izjava o provedenoj procjeni utjecaja propisa		
Naziv prednacrt/nacrta zakona	Nacrt zakona o izmjenama i dopunama Zakona o slatkovodnom ribarstvu	
Datum	13.12.2023. godine	
Kontrolno područje	DA	Obrazloženje Ureda
<b>AKTIVNOST</b>		
Naziv prednacrt/nacrta zakona je naveden i razumljiv	DA	
Naveden je naziv i kontakti obrađivača	DA	
Naveden je datum	DA	
<b>DEFINIRANJE PROBLEMA</b>		
Problem je jasno i sažeto objašnjen	DA	
Ciljevi su jasno i sažeto objašnjeni	DA	
Očekivani rezultati su jasno i sažeto objašnjeni	DA	
<b>KONZULTACIJE</b>		
Zainteresirane strane su jasno definirane	DA	
Proces konzultacija je jasno i sažeto objašnjen	DA	
<b>PREDLOŽENA RJEŠENJA</b>		
Predložena su normativna i nenormativna rješenja	DA	
Definirani su rizici predloženog rješenja	DA	
Definiran je utjecaj rješenja na proračun	DA	
Definiran je utjecaj rješenja na gospodarstvo, društvo, okoliš, te održivi razvoj i zdravlje ljudi	DA	
Definiran je način primjene i usuglašenost s ostalim propisima	DA	
Definirano je prijelazno razdoblje	DA	
PROCJENA PROVEDENA SUKLADNO UREDBI	DA	

URED VLADE FBiH ZA ZAKONODAVSTVO I USKLADENOST  
SA PROPISIMA EUROPSKE UNIJE  
Željko Siladi, direktor Ureda

Datum i pečat

13.12.2023. godine

OVLAŠTENA OSOBA

*[Handwritten signature]*



**OBRAZAC ZA PROVOĐENJE SKRAĆENE PROCJENE UTJECAJA PROPISA**

Naziv aktivnosti	Izrada Nacrta zakona o izmjenama i dopunama Zakona o slatkovodnom ribarstvu
Naziv prednacrt/nacrta zakona	Nacrt zakona o izmjenama i dopunama Zakona o slatkovodnom ribarstvu
Datum	30.11.2023. godine
Obrađivač	Federalno ministarstvo poljoprivrede, vodoprivrede i šumarstva
<b>I - Usklađenost prednacrt/nacrta zakona sa strateškim dokumentima i Programom rada Vlade Federacije i Parlamenta Federacije</b>	
<p>Je li prednacrt/nacrt zakona sukladan strateškim dokumentima i programu rada Vlade Federacije i Parlamenta Federacije?</p> <p>Odgovor: Nacrt zakona o izmjenama i dopunama Zakona o slatkovodnom ribarstvu nije planiran Godišnjim planom rada Federalnog ministarstva poljoprivrede, vodoprivrede i šumarstva za 2023. godinu, a samim tim ni Programom Vlade Federacije BiH za 2023. godinu. Potreba za izmjenama i dopunama predloženog Zakona, odnose se na izmjene pet članova po Presudi Ustavnog suda Federacije Bosne i Hercegovine.</p>	
<p>Je li prednacrt/nacrt zakona povezan za druge važeće propise ili ima učinak na druge važeće propise? Ako DA, navedite koje:</p> <p>Da, povezan je za: Zakon o načelima lokalne samouprave u Federaciji Bosne i Hercegovine („Službene novine Federacije BiH“, br. 49/06i 51/09)</p>	
<b>II - Ocjena trenutnog stanja i ciljevi koji se žele postići prednacrtom/nacrtom zakona</b>	
<p>1) Koji je osnovni problem? Zašto postojeće stanje nije zadovoljavajuće?</p> <p>Odgovor:</p> <p>Ustavni sud Federacije Bosne i Hercegovine, odlučujući po zahtjevu Načelnika Općine Olovo za zaštitu prava na lokalnu samoupravu u vezi sa Zakonom o slatkovodnom ribarstvu na osnovu člana IVC.3.10 (3) Ustava Federacije Bosne i Hercegovine u vezi sa Amandmanom XCVI na Ustav Federacije Bosne i Hercegovine 29.11. 2017. godine donio je presudu kojom je utvrđeno da je članom 5. i 6., članom 10. stav 7., članom 17. i članom 18. stav 6. Zakona o slatkovodnom ribarstvu („Službene novine Federacije BiH“, br. 64/04 i 27/10) povrijeđeno pravo na lokalnu samoupravu Općine Olovo. U skladu s članom IV.C.12.B) Ustava Federacije Bosne i Hercegovine, Ustavni sud Federacije Bosne i Hercegovine odredio je prijelaznu mjeru, kojom je dao mogućnost Parlamentu Federacije Bosne i Hercegovine, da u roku od šest mjeseci od dana objavljivanja presude u „Službenim novinama Federacije BiH“ uskladi Zakon o slatkovodnom ribarstvu sa Zakonom o načelima lokalne samouprave u Federaciji Bosne i Hercegovine („Službene novine Federacije BiH“, br. 49/06i 51/09), do kada se gore navedene odredbe mogu primjenjivati.</p>	

- 2) Koji cilj se želi postići? U kojoj mjeri se očekuje da će prednacrt/nacrt zakona riješiti definirani problem i u kojem razdoblju?

Odgovor:

Izmjenama i dopunama Zakona o slatkovodnom ribarstvu implementiraće se presuda Ustavnog suda Federacije Bosne i Hercegovine. U potpunosti će se riješiti problem jer se izmjenama i dopunama pet osporenih članova organi lokalne samouprave uključuju u postupke ustupanja na korištenje fizičkim i pravnim licima, udruženjima i organizacijama sportskih ribolovaca ribolovnih područja/zona, u postupke davnaja saglasnosti na dokumente kojima se upravlja ribljim fondom, kao i učešće u raspodjeli naknada za korištenje ribolovnih područja/zona i koncesionih naknada za privredni ribolov kao i postupak davanja dozvola za privredni ribolov.

Problem će se riješiti u potpunosti usvajanjem Zakona o izmjenama i dopunama Zakona o slatkovodnom ribarstvu i objavljivanjem u „Službenim novinama Federacije BiH“.

- 3) Navedite sve subjekte (ministarstva, uprave, upravne organizacije, organizacije civilnog društva, itd.) koji će izravno primjenjivati i na koje se izravno odnosi prednacrt/nacrt zakona.

Nadležna kantonalna ministarstva za poslove poljoprivrede i organi lokalne samouprave, udruženja sportskih ribolovaca, fizička i pravna lica koja se bave privrednim ribolovom.

### III - Proces konzultacija

- 1) Navedite sve subjekte s kojima ste se konzultirali i način na koji ste vršili konzultacije (javna rasprava, pisani komentari, itd.)

- 2) Koji su rezultati konzultacija i da li su utjecali na sadržaj novog zakona?

Odgovor: Nije proveden postupak konzultacija jer se implementira Presuda Ustavnog suda Federacije Bosne i Hercegovine izmjenom i dopunom pet osporenih članova.

### IV - Alternativna rješenja – identifikacija opcija

- 1) Navedite opcije koje ste razmatrali, a kojima se može riješiti definirani problem i ostvariti cilj. Kratko opišite rezultate analize svake od tih opcija.

Normativno rješenje:

1. U okviru normativnog rješenja, razmatrana je opcija donošenja Zakona o **izmjenama i dopunama** Zakona o slatkovodnom ribarstvu, kojom bi se provela presuda Ustavnog suda Federacije BiH.

Nenormativno rješenje:

Nenormativno rješenje (opcija „nepoduzimati ništa“ kojom se zadržava postojeće stanje) je isključena i neprihvatljiva, kao i djelovanje putem projekata, javnih kampanja, promjena svijesti građana i sl. jer se presuda Ustavnog suda Federacije Bosne i Hercegovine može implementirati jedino zakonskim okvirom u ovom slučaju Izmjenama i dopunama spornih članova postojećeg zakona.

- 2) Objasnite zašto je izabrana opcija najpovoljnija za rješenje problema.

Odgovor: Izmjenom i dopunom postojećeg zakona i to samo članova koji su osporeni presudom Ustavnog suda Federacije Bosne i Hercegovine skraćuje se vrijeme izrade i postupka donošenja te će se brže provesti presuda kao i mogućnost brže primjene Zakona.



## V - Utjecaj odabranog rješenja problema na gospodarstvo, društvo i okoliš

- 1a) Utječe li prednacrt/nacrt zakona na poslovno okruženje? Kreira li dodatna administrativna opterećenja? Utječe li na rad malih i srednjih poduzeća i obrtnika? Hoće li imati utjecaja na funkcioniranje tržišta i konkurenciju?

Odgovor: Prednacrt zakona o izmjenama i dopunama Zakona o slatkovodnom ribarstvu neće uticati na poslovno okruženje, neće kreirati dodatna administrativna opterećenja, niti će uticati na rad malih i srednjih preduzeća kao ni uticati na funkcionisanje tržišta i konkurencije.

- 1b) Koji su finansijski učinci prednacrt/nacrta zakona? Utječe li na operativne troškove i obavljanje poslovanja? Utječe li na priliv sredstava u javne proračune?

Odgovor:

Donošenje ovog propisa neće prouzrokovati dodatne troškove ni građanima, ni privredi, ni uzgajivačima riba, s obzirom na to da ovim izmjenama i dopunama zakona ne nastaju novi troškovi za subjekte u ribarstvu.

Ne očekuje se značajan priliv sredstava u javni proračun od dozvola (privredni ribolov i sportskorekreativni ribolov) samo što će u skladu sa Presudom Ustavnog suda Federacije Bosni i Hercegovine ista biti raspodjeljena na kantone i općine. To su namjenska sredstva koja će biti usmjerena na zaštitu i unapređenje ribljeg fonda.

- 2a) Utječe li na prednacrt/nacrt zakona na mogućnost zapošljavanja i tržište rada?

Odgovor: Ne utiče

- 2b) Tretira li prednacrt/nacrt zakona pitanje ravnopravnosti spolova? Je li osigurana socijalna uključenost i zaštita posebnih skupina? Daje li mogućnost pristupa zdravstvenoj i socijalnoj skrbi i obrazovanju?

Odgovor: Ne

- 3) Hoće li prednacrt/nacrt zakona imati utjecaje na okoliš?

a) DA

b) NE

Objasnite:

Izmjenama i dopunama 6 članova nema uticaja na okoliš.

## VI - Provođenje zakona

- 1) Precizira li prednacrt/nacrt zakona tko je odgovoran za njegovu primjenu i na koji način? Koja razina vlasti je mjerodavna za primjenu? Tko vrši nadzor?

Odgovor:

Nadležnosti za provođenje ovog Zakona su „podijeljenje“ na sve nivoe vlasti (federalni, kantonalni, općinski).

Osnovnim zakonom je propisano da Federalno ministarstvo vrši upravni nadzor nad provođenjem Zakona o slatkovodnom ribarstvu i propisa donesenih na osnovu ovog Zakona koji su stavljani u nadležnost Federacije kao i upravni nadzor nad institucijama, federalnim i kantonalnim organizacijama, pravnim licima, ovlaštenim licima, u obavljanju poslova određenih ovim Zakonom, a koji predstavljaju vršenje javnih ovlaštenja.

Kantonalna ministarstva vrše upravni nadzor nad provođenjem Zakona o slatkovodnom ribarstvu i propisa donesenih na osnovu ovog Zakona, koji su stavljani u nadležnost kantona.

Inspeksijski nadzor u provođenju zakona i propisa donesenih na osnovu njega obavljat će poljoprivredna inspekcija nadležne uprave za inspeksijske poslove.

U slučaju nepoštivanja odredbi Zakona o slatkovodnom ribarstvu propisane su sankcije za učinjeni prekršaj.

2) Je li prednacrt/nacrt zakona usuglašen s drugim važećim propisima?

Odgovor: Izmjenama i dopunama Zakona o slatkovodnom ribarstvu izvršeno je usaglašavanje sa Zakonom o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br:49/06 i 51/09).

3) Je li prijelazno razdoblje s postojećeg rješenja na novi prednacrt/nacrt zakona jasno definirano?

Odgovor: Da, jer su u pitanju izmjene i dopune, a stupanje na snagu Zakona je osmog dana od dana objave u „Službenim novinama Federacije BiH“.